

Tarasp



Ün cordial bainvgnü a Tarasp


I vain dit suvent cha'l turissem da bogns in Engiadina Bassa saja nat a Tarasp. Aint illa büvetta istorica sper l'En s'han inscuntrats ils giasts, la fin dal 19avel e'l principi dal 20avel tschientiner. Tanter els d'eiran blers exponents da l'aristocrazia, da l'economia e da la cultura. Tarasp nun es ingün cumün cumpact, dimpersè cumpiglia 10 fracziuns sparpagliadas. Vulpera, la plü gronda, ha mantgnü seis character dal "fin de siècle", dispuona però d'ün'infrastructura moderna pel turissem e da bleras sportas pel temp liber. Il chastè, l'insaina da Tarasp, as vezza da dalöntschi. El fa – daspö sia renovaziun al principi dal 20avel tschientiner – üna bella parada sur il Lai da Tarasp.

Il nom Tarasp

Id es fich probabel cha'l nom Tarasp deriva da l'expressiun latina "terrae asprae" (= terra crüja).



La vopna da l'anteriur cumün da Tarasp



Descripziun: La vopna es trapiartida verticalmaing. Aint illa part schnestra (gelgua) as rechatta üna crusch latina da culur cotschna, aint illa part dretta (blaua) ün arch San Martin da culur gelgua e cotschna.

Motivaziun: Il cumün ha surtut la vopna da la famiglia da Tarasp chi'd ha vivü dūrant il 11avel e 12avel tschientiner. Plüs commembers da quista famiglia s'han partecipats vi d'üna cruschada e vi da pelegrinadis vers Gerusalem. Perquai muossa lur vopna üna crusch. L'arch San Martin simbolisescha la coliaziun tanter Dieu e'ls umans, però eir la grondezza da Dieu.

Culuors dal cumün: cotschen-gelg-blau

Cifras e fats sur dad Tarasp

Parts da la fracziun

Aschera
Avrona
Chants
Chaposch
Fontana
Florins
Sgnè
Sparsels
Vallatscha
Vulpera

Surfatschas

Surfatscha totala	4'690 ha
Terrain agricul	12.3%
God e frus-chaglia	34.6%
Terrain abità	0.94%
Surfatschas improductivas	52.1%

Otezzas sur mar

Cumün	1'403 m
Punct il plü ot (Piz Pisoc)	3'173 m
Punct il plü bass (En, sboccadüra da la Clemgia)	1'179 m

Populaziun

Abitants	358
Persunas cun dret da vuschar	232

Linguas

Rumantsch	34.7%
Tudais-ch	47.2%
Otras linguas	18.1%

Las pertschientualas as referischan a la lingua principala. Tuot ils Rumantschs san duos o plüssas linguas.

Confessiuns

Evangelic-refuormà	23.2%
Catolic-roman	41.2%
Otras religiuns e personas sainza confessiun	35.6%

Economia publica

Persunas occupadas tenor sectuors

1. Agricultura e silvicultura	3.2%
2. Industria e mansteranza producenta	7.3%
3. Servezzans	89.5%
